



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Confessio Fidei Exhibita Invictiss. Imp. Carolo V. Caesari  
Avg. in Comicijs Augustæ. Anno M. D. XXX.**

**Melanchthon, Philipp**

**Augsburg, 1535**

**VD16 C 4710**

De Vocabvlis Missae.

**urn:nbn:de:hbz:466:1-34184**

DE VSV SACRA.

Ambroſius

quam conscientia fide erecta sensit ex qualibus terroribus libereſ tur, tunc uero serio agit gratias pro beneficio & passione Christi, & uitetur ipsa ceremonia ad laudē dei, ut hac obediētia gratitudi- ne ostendat, et testatur se magnificare dona dei. Ita fit ceremonia sacrificiū laudis. Ac Patres quidē de dupliči effectu loquuntur, de consolatione conscientiarum, & de gratiarū actione seu laude Horū effectuū prior ad sacramēti rationē pertinet, posterior per- tinet ad sacrificiū. De consolatione ait Ambrosius, Accedite ad eum & absoluimini, quia est remissio peccatorū. Qui sit iste quæ ritis. Audite ipsum dicentē, Ego sum panis uite, qui uenit ad me non esuriet, & qui credit in me, non sitiet unquam. Hic testatur in sacramento offerri remissionē peccatorum, testatur & fide acci- pi debere. Infinita testimonia leguntur in hanc sententiam apud Patres, quæ omnia detorquent aduersarij ad opus operatum, & applicandū pro alijs, cū Patres aperte requirant fidem, & de pro- pria cuiuscq; consolatione loquuntur, non de applicatione. Prēter hæc leguntur & sententiae de gratiarū actione, qualis illa est sua- uissime dicta a Cypriano, de pie communicātibus. Pietas inquit inter data & condonata se diuidens, gratias agit tam uberis bene- ficij largitori, id est, pietas intuetur data & condonata, hoc est, co- fert inter se magnitudinem beneficiorum dei, & magnitudinem nostrorum malorum, mortis & peccati, & agit gratias &c. Et hinc extitit appellatio εὐχαριστίας in ecclesia. Nec uero ceremonia ipsa est gratiarum actio ex opere operato applicanda pro alijs, ut mereatur eis remissionem peccatorum &c. ut liberet animas de- functorum. Hæc pugnant cum iustitia fidei, quasi ceremonia, si- ne fide proficit, aut facienti, aut alijs.

DE VOCABVLIS MISSAE.

**A**Duersarij reuocant nos etiam ad Grammaticā, sumunt ar- gumenta ex appellationibus Missæ, quæ non habet opus

longa disputatione. Non enim sequitur Missam, etiam si vocatur sacrificium, opus esse ex opere operato gratia conferes, aut applicatum pro alijs, mereri eis remissionem peccatorum &c. Αφτουργια in quiunt, significat sacrificium. Et Graeci Missam appellant litur*giam*. Cur hic omittunt appellationem veterem Synaxis, quae ostendit Missam olim fuisse multorum cōmunicationē. Sed dicamus de liturgia. Ea vox non significat propriū sacrificiū, sed potius publicum ministerium, & apte quadrat ad nostram sententiā, quod uidelicet unus minister cōfessans, reliquo populo exhibet corpus & sanguinē domini, sicut unus minister docens exhibet euāgeliū populo, sicut att Paulus. Sic nos existimet homo, tandem ministros Christi, & dispensatores sacramentorum dei, hoc est, euangelij, & sacramentorum. Et 2. Corinth. 5. Propter causam Christi legatione fungimur tanquam deo per nos adhortante, rogamus Christi causa, reconciliamini &c. Ita apte quadrat nomen Αφτουργια ad ministerium. Est enim uetus uerbum usurpatum in publicis ministerijs ciuilibus, ac significat Graecis onera publica, sicut tributum, sumptū instruendæ classis, aut similia, ut testatur oratio Demosthenis πρὸς Λεπτίλων, quæ tota consumitur in disputatione de publicis muneribus & immunitatibus φύσῃ δὲ θεοῖς τινας ανθρώπους ἐνέργειας κατέλαβεν εὐθύνην τὰς λατρευτὰς, id est, dicit indignos quosdam homines inuenta immunitate detracere publica onera. Et sic Romanis temporibus locuti sunt, ut ostendit rescriptum Pertinacis. ff. de iure immunitatis. L. Semper. εἰ κολλατάρω πληρωμὴν τούς κατέργας δὲ τὴν τέκνων δεκτήν του. Et si non liberat parentes omnibus oneribus publicis numerus natorum. Et Commentarius Demosthenis scribit Αφτουργια, genus esse tributorum, sumptus ludorum, sumptus instruendarum nauium, curandi gymnasij, & similiū publicarum curationum. Et Paulus pro collatione usurpauit. 2. Corinth. 9. Officium huius collationis non solum supplet ea quæ desunt sanctis. Sed etiam efficit, ut plures deo libertim agant gratias &c. Et

## DE VOCALIBVS

philip. 2.

Philippenses 2. appellat Epaphroditum λειτουργόν ministrū nescitatis suæ, ubi certe non potest intelligi sacrificulus. Sed nihil opus est pluribus testimonij, cum exempla ubiqꝫ obvia sint legetibus Græcos scriptores, in quibus λειτουργία usurpatur pro publicis oneribus ciuilibus, seu ministerijs. Et propter diphthongū Grammatici non deducunt a λειτή, quod significat preces, sed a publicis bonis, quæ uocēt λειτα ut sit λειτουργέω curo, tracto publica bona.

Illud est ridiculum quod argumentantur altaris mentionem fieri in sacris literis, quare necesse sit Missam esse sacrificium, cū parabola altaris per similitudinem a Paulo citetur. Et Missam fingunt dictam ab altari Λειτώ. Quorsum opus erat tam procul accersere etymologiam nisi uolebant ostentare scientiam Hebraicæ linguae? Quorsum opus est procul querere etymologiam: cum extet nomen Missa Deuterono, decimo sexto, ubi significat collationes, seu munera populi, non oblationem sacerdotis. Debebant enim singuli uenientes ad celebrationem Paschæ aliquod munus, quasi symbolam afferre. Hūc morem initio retinuerunt & Christiani. Conuenientes afferebant panes, uinum & alia, ut testantur Canones Apostolorum. Inde sumebatur pars quæ consecraretur. Reliquum distribuebatur pauperibus. Cum hoc more retinuerunt & nomen collationum, Missa. Et propter tales collationes apparet etiam alicubi Missam dictam esse λειτη, nisi quis mauult ita dictam esse propter commune coniuicium, sed omittamus has nugas. Ridiculum est enim aduersarios in re tanta, adeo leues coniecturas afferre. Nam etiam si Missa dicitur oblatio, quid facit uocabulum ad illa somnia de opere operato, & applicatione quam fingunt alijs mereri remissionem peccatorum: Et potest oblatio dici, propterea, quia ibi offeruntur orationes, gratiarum actiones, & totus ille cultus, sicut & εὐχαριστία dicitur. Verum neqꝫ ceremoniæ, neqꝫ orationes ex opere operato sine fide prosunt. Quanquam nos hic non de orationibus, sed proprie de coena domini disputamus.

Danth. 16.

missa oblatio

Græcus Canon etiam multa dicit de oblatione, sed palam ostendit se nō loqui proprie de corpore & sanguine Domini, sed de toto cultu, de precibus & gratiarum actionibus. Sic enim ait οὐοὶ τῶν ἀπόστολος ἀξέιδεν γενέθλιον τοῦ προσφερεῖν σοι δεῖσθαι εἰς ἡμέρας θυσίας ἀνακτούσης ὑπέρ παντὸς λαοῦ, Nihil offendit, recte intellexit. Orat enim nos dignos effici, ad offerendas preces, & supplicationes & hostias incruentas pro populo. Nam ipsas preces vocat hostias incruentas. Sicut & paulo post ἐτι προσφερομένην σοι τῷ λογικῷ ταύτῃ οὐοὶ ἀνακτούσης λατρείας. Offerimus inquit hūc rationalem, & incruentum cultū. Inepte enim exponunt qui hīc rationalem hostiam malint interpretari, & transferunt ad ipsum corpus Christi, cum Canon loquatur de toto cultu, & λογικῷ λατρείᾳ a Paulo dicta sit, contra opus operatum, uidelicet, de cultu mentis, de timore, de fide, de invocatione, de gratiarum actione &c.

Quod uero defendunt aduersarij nostri applicationem ceremoniæ pro liberandis animabus defunctorum, qua ex re quæstū infinitum faciunt, nulla habent testimonia, nullum mandatum ex scripturis. Neq; uero est leue peccatum tales cultus sine mandato Dei, sine exemplo scripturæ, in Ecclesia instituere, & eorum Domini institutam ad recordationem & prædicationem inter uiuos, transferre ad mortuos. Hoc est abuti nomine Dei contra secundum præceptum. Primum enim contumelia est Euangelij, sentire q; ceremonia, ex opere operato, sine fide sit sacrificium reconcilians Deum, & satisfaciens pro peccatis. Horribilis oratio est, tantundem tribuere operi sacerdotis, quantū morti Christi. Deinde peccatum & mors nō possunt uinci nisi fide in Christum, sicut Paulus docet, Iustificati ex fide pacem habemus, quare non potest uinci poena purgatorijs, applicatione alieni operis.

Omittemus iam qualia habeat aduersarij tesi onia de purgatorio, quales existiment poenas esse purgatorijs, quales habeat causas doctrina satisfactionum, quam supra ostendimus uanissimā

DE VOCABVLIS

Corna I

esse. Illud tantum opponemus, Certum est cœnam Domini institutam esse propter remissionem culpæ. Offert enim remissionem peccatorū, ubi necesse est uere culpam intelligere. Et tamen pro culpa nō satisfacit, alioqui Missa esset par morti Christi. Nec remissio culpæ accipi potest aliter, nisi fide. Igitur Missa non est satisfactio, Sed promissio & sacramentum requirens fidem, Ac profecto necesse est omnes pios acerbissimo dolore affici, si cogiscent Missam magna ex parte ad mortuos & ad satisfactiones propœntranslatam esse, Hoc est tollere iuge sacrificium ex Ecclesia, Hoc est Antiochi regnum, qui saluberrimas promissiones de remissione culpæ, de fide, translulit ad uanissimas opiniones de satisfactionibus, Hoc est Euangelium contaminare, corrumpere usum sacramentorum. Hi sunt quos Paulus dixit reos esse corporis & sanguinis Domini, qui oppreserunt doctrinam de fide, & remissionem culpæ, & corpus & sanguinem Domini ad sacrilegium quæstum prætextu satisfactionum contulerunt. Et huius sacrilegij pœnas aliquando dabunt. Quare cauendum est nobis & omnibus pijs conscientijs, ne approbent aduersariorū abusus.

Sed redeamus ad causam. Cum Missa non sit satisfactio, nec pro pœna, nec pro culpa, ex opere operato, sine fide, Sequitur applicationem pro mortuis inutilem esse. Necq; hic opus est longior disputatione. Constat enim q; illæ applicationes pro mortuis nulla habeant ex scripturis testimonia, Nec tutum est in Ecclesia cultus instituere, sine autoritate scripturæ. Et si quando opus erit prolixius de tota re dicemus. Quid enim nunc rixemur cum aduersarijs, qui necq; quid sacrificium, necq; quid sacramentum, necq; i quid remissio peccatorum, necq; quid sit fides, intelligunt.

Nec Græcus Canon applicat oblationem tanquam satisfactionem pro mortuis, quia applicat eam pariter beatis omnibus Patriarchis, Prophetis, Apostolis. Apparet igitur Græcos tanquam gratiarum actionem offerre, non applicare tanquam satis-

factionem pro pœnis. Quanquam etiam loquuntur non de sola oblatione corporis & sanguinis Domini, Sed de reliquis Missæ partibus uidelicet orationibus & gratiarum actionibus. Nā post consecrationem precantur, ut sumentibus proficit, non loquuntur de alijs. Deinde addunt ἐπιπέδον σοι τῷ λογικῷ ταύτω λαθεῖσιν περ τῷ εἰπεναπανσταμένῳ προπατόρῳ πατέρῳ πατρίσιῳ χων, προφητῷ ἀποστόλῳ Α. At λογικὴ λατεῖα, nō significat ipsam hostiam, Sed orationes & omnia quae ibi geruntur. Quod uero allegant aduersarij Patres de oblatione pro mortuis, Scimus ueteres loqui de oratione pro mortuis, quam nos non prohibemus, sed applicationem cœnæ Domini pro mortuis ex opere operato, improbamus. Nec patrocinantur aduersarij ueteres de opere operato. Et ut maxime Gregorij aut recentiorum testimonia habent, nos opponimus clarissimas, & certissimas scripturas. Et Patrum magna dissimilitudo est. Homines erāt & labi ac decipi posserant. Quanquam si nunc reuincerent ac uiderent sua dicta preteri luculentis illis mendacijs, quae docent aduersarij de opere operato, longe aliter se ipsi interpretarentur.

Falso etiam citant aduersarij contra nos damnationē Aerij, οὐτινός quem dicunt propterea damnatum esse, q̄ negauerit in Missa oblationem fieri pro uiliis & mortuis. Sæpe hoc colore utuntur, allegant ueteres hæreses, & cum his falso comparant nostrā causam, ut illa collatione pregrauēt nos. Epiphanius testatur Aerii Epiphanius sensisse, q̄ orationes pro mortuis sint iutiles, Id reprehēdit. Nec nos Aerio patrocinamur, sed uobiscū litigamus, qui hæresin manifeste pugnātem cum Prophetis, Apostolis, & sanctis Patribus sceloste defenditis, uidelicet, q̄ Missa ex opere operato iustificet, q̄ mereatur remissionem culpæ & pœnæ, etiam iniustis, pro quibus applicatur, si non ponant obicem. Hos perniciosos errores improbamus, qui ledunt gloriam passionis Christi, & penitus obruunt doctrinā de iustitia fidei. Similis fuit persuasio impiorū in lege, q̄ mererentur remissionem peccatorum per sacrificia ex

DE VOCABVLIS

opere operato, non acciperent gratis perfidem. Itaq; augebant illos cultus & sacrificia, instituebant cultum Baal in Israel, In Iuda etiam sacrificabant in lucis. Quare Prophetæ damnata illa persuasione, belligerantur non solum cum cultoribus Baal, sed etiā cum alijs sacerdotibus, qui sacrificia a Deo ordinata cum illa opinione impia faciebant. Verum h̄eret in mundo h̄ec persuasio, & h̄erebit semper, q; cultus & sacrificia sint propitiations. Non fērunt homines carnales soli sacrificio Christi tribui hunc honorē, q; sit propitiatio, quia iustitiam fidei non intelligunt, sed parem honorem tribuunt reliquis cultibus & sacrificijs. Sicut igitur in Iuda hesit apud impios Pontifices falsa persuasio de sacrificijs, sic in Israel Baaliticū cultus durauerunt. Et tamen erat ibi Ecclesia Dei, quæ impios cultus improbabat. Ita heret in regno Pontificio cultus Baaliticus, hoc est, abusus Missæ, quam applicant, ut per eam mereantur iniustis remissionem culpæ & poenæ. Et uidetur hic Baaliticus cultus una cum regno Pontificio duratus esse, donec ueniet Christus ad iudicandum, & gloria aduentus sui perdet regnum Antichristi. Interim omnes qui uere credunt Euangelio, debent improbare illos impios cultus excogitatos contra mandatum Dei, ad obscurandam gloriam Christi, & iustitiam fidei.

Hæc de missa breuiter diximus, ut omnes boni viri ubiq; genitum intelligere queant, nos summo studio dignitatem Missæ tueri, & uerum usum ostendere & iustissimas habere causas, quare ab aduersarijs dissentiamus. Ac uolumus admonitos esse omnes bons viros, ne adiuuent aduersarios defendantes prophanationem Missæ, ne grauēt se societate alieni peccati. Magna causa, magna res est, nec inferior illo negocio Eliæ prophetæ, qui cultum Baal improbabat. Nos modestissime causam tantam proposuimus, & nunc sine contumelia respondimus. Quod si commouerint nos aduersarij, ut omnia genera abusu Missæ colligamus, non tam clementer erit agenda causa.

De